

2010 Rhif 71 (Cy. 17)

TRAFFIG FFYRDD, CYMRU

Rheoliadau Traffordd yr M4
(Cyffordd 24, Cyfnewidfa Coldra,
Casnewydd) (Terfyn Cyflymder 40
MYA) 2010

NODYN ESBONIADOL

(Nid yw'r nodyn hwn yn rhan o'r Rheoliadau)

Mae'r Rheoliadau hyn yn gosod terfyn cyflymder uchaf o 40 milltir yr awr (yn lle'r terfyn cyflymder cyffredinol o 70 milltir yr awr a osodir ar draffyrdd gan Rheoliadau Traffig Traffyrdd (Terfyn Cyflymder) 1974 (O.S. 1974/502)) ar y darnau o draffordd yr M4 a bennir yn y Rheoliadau hyn.

2010 Rhif 71 (Cy. 17)

TRAFFIG FFYRDD, CYMRU

Rheoliadau Traffordd yr M4 (Cyffordd 24, Cyfnewidfa Coldra, Casnewydd) (Terfyn Cyflymder 40 MYA) 2010

Gwnaed 14 Ionawr 2010

*Gosodwyd gerbron Cynulliad
Cenedlaethol Cymru*

15 Ionawr 2010

Yn dod i rym 15 Chwefror 2010

Mae Gweinidogion Cymru, drwy arfer y pwerau a roddwyd iddynt gan adran 17(2) o Ddeddf Rheoleiddio Traffig Ffyrdd 1984(1), ac ar ôl ymgynghori â'r cyrff cynrychioliadol y barnwyd eu bod yn addas yn unol ag adran 134(2) o'r Ddeddf honno(2), yn gwneud y Rheoliadau a ganlyn.

Enwi, cychwyn a dehongli

1. Daw'r Rheoliadau hyn i rym ar 15 Chwefror 2010 a'u henw yw Rheoliadau Traffordd yr M4 (Cyffordd 24, Cyfnewidfa Coldra, Casnewydd) (Terfyn Cyflymder 40 MYA) 2010.

2. Yn y Rheoliadau hyn—

ystyr "Traffordd yr M4" ("the M4 Motorway") yw Traffordd Llundain i Dde Cymru yr M4.

Gosod terfyn cyflymder

3. Ni chaiff neb yrru unrhyw gerbyd yn gyflymach na 40 milltir yr awr ar y darnau o'r ffordd wrth Gyffordd 24 Traffordd yr M4, Cyfnewidfa Coldra, yn

-
- (1) 1984 p.27. Yn rhinwedd O.S. 1999/672, erthygl 2 ac Atodlen 1, a pharagraff 30 o Atodlen 11 i Deddf Llywodraeth Cymru 2006, mae'r pwerau hyn bellach yn arferadwy gan Weinidogion Cymru o ran Cymru.
- (2) Amnewidiwyd adran 134(2) gan Ddeddf Ffyrdd Newydd a Gwaith Stryd 1991 (p.22), Atodlen 8, paragraff 77.

Ninas Casnewydd a ddisgrifir yn yr Atodlen i'r
Gorchymyn hwn.

Ieuan Wyn Jones

Y Gweinidog dros yr Economi a Thrafnidiaeth, un o
Weinidogion Cymru

14 Ionawr 2010

YR ATODLEN

Darnau o slipffyrdd Traffordd yr M4 wrth Gyffordd 24, Cyfnewidfa Coldra yn Ninas Casnewydd

Y FFORDD YMADAEL TUA'R DWYRAIN

Y darn hwnnw o'r ffordd ymadael tua'r dwyrain sy'n ymestyn o bwynt 123 o fetrau i'r gorllewin o'i chyffordd â cherbyttfordd gylchredol Cyfnewidfa Coldra hyd at bwynt lle mae'n uno â cherbyttfordd gylchredol Cyfnewidfa Coldra.

Y FFORDD YMUNO TUA'R DWYRAIN

Y darn hwnnw o'r ffordd ymuno tua'r dwyrain sy'n ymestyn o bwynt wrth ei chyffordd â cherbyttfordd gylchredol Cyfnewidfa Coldra hyd at bwynt 25 o fetrau i'r dwyrain o'i chyffordd â cherbyttfordd gylchredol Cyfnewidfa Coldra.

Y FFORDD YMADAEL TUA'R GORLLEWIN

Y darn hwnnw o'r ffordd ymadael tua'r gorllewin sy'n ymestyn o bwynt 114 o fetrau i'r gorllewin o'r pwynt lle mae'n gwyro oddi ar brif gerbyttfordd Traffordd yr M4 hyd at bwynt wrth ei chyffordd â cherbyttfordd Cyfnewidfa Coldra.

Y FFORDD YMADAEL TUA'R GORLLEWIN (Y LÔN AR WAHÂN)

Y darn hwnnw o'r ffordd ar wahân i ymadael tua'r gorllewin sy'n ymestyn o bwynt 114 o fetrau i'r gorllewin o'r pwynt lle mae'n gwyro oddi ar brif gerbyttfordd Traffordd yr M4 hyd at bwynt lle mae'n uno â cherbyttfordd Ffordd Ddosbarthu Ddeheuol yr A48.

Y FFORDD YMUNO TUA'R GORLLEWIN

Y darn hwnnw o'r ffordd ymuno tua'r gorllewin sy'n ymestyn o bwynt wrth ei chyffordd â cherbyttfordd gylchredol Cyfnewidfa Coldra hyd at bwynt 6 metr i'r gorllewin o'i chyffordd â cherbyttfordd gylchredol Cyfnewidfa Coldra.